

Na osnovu člana 32. Zakona o javnim nabavkama („Službeni glasnik BiH“ broj 39/14), a nakon provedenog otvorenog postupka javne nabavke roba – kancelarijski materijal, objavljenog na web portalu Agencije za javne nabavke dana 21.09.2017. godine i u „Službenom glasniku BiH“ broj 70/17 dana 29.09.2017. godine, zaključen je

**OKVIRNI SPORAZUM
o nabavci kancelarijskog materijala**

između:

Javna ustanova Opća bolnica „Prim. dr. Abdulah Nakaš“,
Sjedište: Kranjčevićeva broj 12, 71000 Sarajevo,
koju zastupa direktor Prim. dr. Zlatko Kravić,
Identifikacijski broj: 4200288400001,
(u daljem tekstu: Kupac)

„R&S“ d.o.o. Sarajevo,
Ul. Igmanska b.b., 71320 Vogošća,
koga zastupa direktor Kemal Selmanagić,
Identifikacijski broj: 4200056290005
PDV broj: 200056290005
Transakcijski račun: 3389002208510172
Naziv banke Dobavljača: UniCredit banka d.d. Sarajevo
(u daljem tekstu: Dobavljač)

Član 1.

Predmet Okvirnog sporazuma je nabavka kancelarijskog materijala i to:

1. LOT 1 – Toneri, ketridži i riboni za štampače i fotokopir aparate
2. LOT 2 – Papir i proizvodi od papira
3. LOT 3 – Ostali sitni kancelarijski materijal

prema ponudama broj: 14325/17, 14326/17 i 14328/17 od 03.10.2017. godine, a na osnovu Odluke o izboru najpovoljnijeg ponuđača broj: 5043-12/17 od 09.10.2017. godine.

Ponude sa specifikacijama roba broj: 14325/17, 14326/17 i 14328/17 od 03.10.2017. godine i dokumentacija dostavljena po predmetnoj nabavci sastavni su dio ovog sporazuma,

dalje: ponude Dobavljača, (ugovorne strane podrazumijevaju da kompletna ponuda Dobavljača koja je dostavljena po predmetnoj nabavci sa svim dostavljenim dokumentima / aktima / dokazima / nacrtima / specifikacijama i dr. čini sastavni dio sporazuma s tim da se zbog obimnosti iste uz sporazum fizički vežu samo dokumenti iz ponude koji se odnose na osnovne komercijalne i tehničke elemente ugovora / nabavke), dostavljene po konkurentskom zahtjevu za dostavu ponuda broj 17/17.

Član 2.

Okvirni sporazum (u daljem tekstu: sporazum) se zaključuje na period od 24 (dvadesetčetiri) mjeseca i traje do isteka sporazuma odnosno do utrošene maksimalne finansijske vrijednosti za:

1. LOT - 1 do 26.788,18 KM bez uračunatog PDV-a, odnosno 31.134,17 KM sa uračunatim PDV-om na dvogodišnjem nivou,
2. LOT - 2 do 23.817,24 KM bez uračunatog PDV-a, odnosno 27.866,17 KM sa uračunatim PDV-om na dvogodišnjem nivou,
3. LOT - 3 do 5.543,10 KM bez uračunatog PDV-a, odnosno 6.485,43 KM sa uračunatim PDV-om na dvogodišnjem nivou.

Za vrijeme trajanja sporazuma predviđa se sklapanje 2 (dva) ugovora o javnoj nabavci predmetnih roba po nepromijenjenim uslovima sa dobavljačem kojem se dodjeljuje ugovor u skladu sa članom 3. Okvirnog sporazuma iz oblasti nabavke predmetnih roba.

Član 3.

Strane u sporazumu zaključit će pojedinačne ugovore. Prvi ugovor će se zaključiti istovremeno sa zaključivanjem ovog sporazuma, a nakon provedenog postupka javne nabavke, dok će se drugi ugovor zaključiti bez sprovođenja postupka javne nabavke.

Ovaj okvirni sporazum predstavlja osnovu za zaključenje pojedinačnog ugovora u toku trajanja okvirnog sporazuma.

Zaključenjem pojedinačnog ugovora sa Dobavljačem, nastaje obaveza za izvršenje ugovora.

Količine roba iz Obrasca za cijenu ponude nisu obavezujuće za ugovorni organ.

Cijene roba iz Obrasca za cijenu ponude su nepromjenjive za cijeli ugovoreni period i ne podliježu bilo kakvim promjenama u toku izvršenja sporazuma.

Ugovorne strane su saglasne da sporazum realizuju prema već definisanim uslovima u Obavještenju o javnoj nabavci putem otvorenog postupka nabavke, tenderskoj dokumentaciji, ugovoru o javnoj nabavci roba i ponudi Dobavljača.

Član 4.

Ovaj Okvirni sporazum ugovorne strane mogu raskinuti pisanim putem, na način da strana koja traži raskid ovog Okvirnog sporazuma upućuje pisanu obavijest drugoj ugovornoj strani, i to u slučaju povrede odredbi ovog Okvirnog sporazuma, ako druga strana nije takvu povredu ispravila čak ni u ostavljenom primjerenom roku, koji ne može biti kraći od 5 dana.

Kupac može raskinuti ovaj Okvirni sporazum u slučaju:

- da dobavljač kojem je ponudeno zaključivanje pojedinačnog ugovora ne potpiše pojedinačni ugovor ili ne dostavi bankarsku garanciju za dobro izvršenje ugovora (okvirnog sporazuma)
- da iz bilo kog razloga ugovorne strane raskinu pojedinačni ugovor,
- da druga ugovorna strana ne poštuje odredbe ovog Okvirnog sporazuma;

Član 5.

Dobavljač je, u smislu osiguranja izvršenja obaveza po ovom Okvirnom sporazumu, obavezan Kupcu dostaviti sljedeće безусловne originalne bankarske garancije (prema formi / obrascu utvrđenom od strane kupca):

- garanciju za uredno izvršenje ugovora (okvirnog sporazuma) / dobro izvršenje posla u iznosu 10 % ukupne vrijednosti Okvirnog sporazuma sa uračunatim PDV-om, sa rokom važnosti garancije: rok isporuke + 30 dana;

Dobavljač će garanciju iz prethodnog stava dostaviti u roku od 10 dana od dana zaključivanja ovog okvirnog sporazuma / obostranog potpisivanja prvog jednogodišnjeg ugovora i ovog okvirnog sporazuma.

Garancija za uredno izvršenje ugovora (okvirnog sporazuma) dostavlja se u originalu. Garancija ne smije biti ni na koji način oštećena (bušenjem, i sl.) jer probušena ili oštećena garancija se ne može naplatiti. Ukoliko garancija za uredno izvršenje ugovora (okvirnog sporazuma) nije dostavljena na propisan način, shodno uslovima iz tenderske dokumentacije i u roku iz prethodnog stava, zaključen Okvirni sporazum će se smatrati apsolutno ništavim.

Član 6.

Ovaj sporazum stupa na snagu danom obostranog potpisivanja od strane ovlaštenih lica ugovornih strana.

Primjena ovog Okvirnog sporazuma počinje teći od 23.10.2017. godine.

Odredbe ovog sporazuma ne mogu se mijenjati nakon njegovog zaključenja.

Sastavni dio ovog sporazuma je specifikacija roba i ponude broj 14325/17, 14326/17 i 14328/17 od 03.10.2017. godine.

Član 7.

Sve eventualne sporove ugovorne strane će rješavati sporazumno, u duhu dobrih poslovnih odnosa i uzajamnog povjerenja.

Ukoliko se sporazumno rješenje ne postigne, nadležan je Sud u Sarajevu.

Član 8.

Na odnose koji eventualno nisu uređenim ovim sporazumom primjenjivat će se odredbe Zakona o obligacionim odnosima.

Član 9.

Sporazum je sačinjen u 4 (četiri) istovjetna primjerka, od kojih svaka Ugovorna strana zadržava po 2 (dva) primjerka.

PRIPREMILA:
Amira Petrović, BA općeg prava
Referent za pravne poslove

KONTROLISALA:
Sedeta Hrustemović, dipl. iur.
Koordinator za javne nabavke

Dobavljač
„R&S“ d.o.o. Sarajevo
DIREKTOR

Kemal Selmanagić



Kupac
„Opća bolnica“
Prim. dr. Abdulah Nakaš
DIREKTOR
Prim. dr. Zlatko Kravić

Broj: 610/2017
Vogošća, 12.10.2017.

Broj: 5043-14/17
Sarajevo, 09.10.2017. g.